



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lilivm Inter Spinis**

**Sterre, Jean Chrysostome van der**

**Antverpiæ, 1627**

Cap. XXVIII. Sub Festa maiora grauiùs affligi solet; ac mirum in modum  
diunitus semel confortatur.

**urn:nbn:de:hbz:466:1-43032**

ORDINIS PRAEMONST. 85  
suo reuelans, vocauit eum ad se, di-  
cens: Si me, sicut Sanctos alios, inuo-  
casses, te fortassis à tua infirmitate cu-  
rasset. At ille, vt Dominam, quæ se  
iam per aliquod tempus à sua absen-  
tauerat præsentia, recognouit, procidit  
ante illam, & remedium postulauit.  
Illa verò dicente; Ecce, iam sanus esto;  
ab illo immoderato languore releua-  
tus est: consueta tamen infirmitate  
manente, quam, ob custodiam humi-  
litalis, à Magistro humilitatis accepit;  
& quæ solius mortis remedio fuerat  
terminanda.

### C A P V T XXVIII.

*Sub Festa maiora grauiùs affligi solet; ac mi-  
rũ in modũ diuinitus semel confortatur.*

**N**ONNVMQVAM tamen nouimus  
accidisse, quòd ad tempus ali-  
quod mirabiliter curabatur; elapsoque  
tempore ad feliciorẽ consuetudinem  
suam, & ad panem quotidianum  
F 3 eden-

edendum, vocante Domino, est reuersus. Hoc autem pro consuetudine habuit multis annis, vt aduenientibus solemnitatibus nouam semper miseriam exspectaret; nisi dispensatori prudentissimo Domino placuisset, in diebus solemnitates præcedentibus, exspectatam miseriam præuenire. vnde istud verbum, Festa sunt mihi infesta, nobis sæpissimè recitare solebat. Consequit autem in festiuitatibus (nisi, sicut dixi, flagella contingeret præueniri) ita acriter flagellari, vt in se verè sentiret impleri, quod scriptum est; Dies festi vestri vertetur in luctum; & à multis, ipsum non cognoscētibus, humiliatus & proiectus à Domino crederetur. Tali modo in vna vigiliarum Natiuitatis Dominicæ tam immisericorditer cœpit affligi, vt omnes videntes, circa ipsum misericordia mouerentur. Timor enim cordis, pro solēnitate præsentē, & tremor corporis, præ algoris membrorū magnitudine super ipsū venerunt;

Tob. 2.  
Amos 8.

Psalm. 54.

runt; vt tectus omnium vestimētis calefieri non valeret: quin etiam & magnam molem lignorum, ipso rogāte, super membra rigentia posuerunt; sed neque sic aliquid profecerunt. Adueniente tandem hora temporis benedicti, qua puer IESVS tamquam sponsus de vtero processerat Virginali, thalamo venerando; omni recedente dolore, processit & IOSEPH de thalamo ægritudinis; & ad Laudes Matutinas introiens, ipsa die cum tāta cordis alacritate terna Missarū solēnia celebrauit, vt non solū nullum in eo doloris signum aut tristitiæ appareret, verū etiā de manu Domini munificentissimi, pro omnibus tribulationibus suis, recepisse duplicia videretur. Siccine per omne tēpus vitę suę, tamquā duobus molaribus, nunc tribulationibus, nunc consolationibus molebatur; vt panis fieret, sine omni fermento & fure, similigineus, delicatus, dignus mēse summi Patrisfamilias presentari?

*Psalm. 18.  
Mirandum  
in modum  
diuinitus  
confortatur.*